

Lingua istrorromanesa

Na Galipedia, a Wikipedia en galego.

O **istrorromanés**^[1] é unha lingua romance. De todas as linguas ou dialectos que se falan fóra da actual Romanía, é lingüísticamente a máis próxima á lingua oficial dese estado, o daco-romanés ou simplemente romanés. O istrorromanés é falado hoxe nunhas poucas vilas e aldeas na península de Istria, na parte setentrional do Mar Adriático, na actual Croacia. Antigamente foi falada dende unha parte considerablemente ampla do nordeste de Istria nos arredores da cadea montañosa de Ciceria (hoxe Ćićarija), (antiga *Mons Carusadius*) ata Trieste. Os seus falantes chámanse a si mesmos *Vlahi* (nome dado polos eslavos), *Rumeni*, *Rumêri* ou *Rumâri*, así como *Ćići* e *Ćiribiri* (este último é un alcume usado desprezativamente para a lingua istrorromanesa, non para os seus falantes).

Os istrorromaneses divídense hoxe en dous grupos: os *Ćići* arredor de Žejane (que fai referencia aos pobos da parte norte do monte Ucka) e os *Vlahi* ao redor de Šušnjevica (que fai referencia aos pobos da parte sur do monte Ucka (Monte Maggiore (monte Maior)). De todas as maneiras, e a pesar das interferencias doutras linguas e diferenzas de palabras que varían dunha vila a outra, a súa lingua é lingüísticamente idéntica.

O estimación do número de falantes de istrorromanés é moi vaga, calcúlase que son menos ou arredor de 1 000, o "máis pequeno grupo étnico-lingüístico en Europa" é unha das linguas recoñecidas coma as "máis seriamente en perigo" na UNESCO *Red Book of Endangered Languages* (http://www.helsinki.fi/~tasalmin/europe_index.html), debido a que o pequeno número de falantes se reparte en oito pequenas aldeas e dúas vilas "considerables" que son Žejane (Xeiane) e Šušnjevica (Susnieviza), ademais de non existir educación pública na lingua nativa. Os seus falantes aínda non son recoñecidos coma minoría oficial en Croacia; quizais debido ao contubernio histórico de Istria: un número considerable de falantes istrorromaneses foran obrigados a deixar Istria e pobos e cidades veciños despois da Segunda Guerra Mundial cando o Tratado de Paz de París con Italia asinado o 10 de febreiro de 1947, apartou Istria de Italia (que a gañara despois da Primeira Guerra Mundial) integrándoa en Iugoslavia, o país pai das actuais Croacia e Eslovenia, que dividiu Istria en dúas partes entre eses territorios, mentres Italia permanecía cunha pequena parte preto de Trieste.

Istrorromanés 'Vlăștește/Rumârește'

| | |
|--------------------|--|
| Outros nomes: | <i>Rumêri-kuvinta</i> |
| Falado en: | Croacia |
| Rexións: | Istria |
| Total de falantes: | 300 (2007) |
| Familia: | Indoeuropea <ul style="list-style-type: none"> Itálica Románica Románica oriental Balco-románica Istrorromanés |
| Escrita: | alfabeto latino |
| | Estatuto oficial |
| Lingua oficial de: | <i>Ningún país</i> |
| Regulado por: | <i>Non está regulada</i> |
| | Códigos de lingua |
| ISO 639-1: | -- |
| ISO 639-2: | roa |
| ISO 639-3: | ruo (http://www.sil.org/iso639-3/documentation.asp?id=ruo) |

Índice

Historia recente

Orixe

Lingua

- Gramática

Morfoloxía

- Nomes

- Adxectivos

- Pronomes

 - Pronomes persoais

 - Pronomes demostrativos

 - Pronomes relativos

 - Pronomes interrogativos

 - Pronomes indefinidos

- Numerais

 - Números cardinais

 - Números ordinais

Literatura

Notas

Véxase tamén

- Outros artigos

- Bibliografía

- Ligazóns externas

Historia recente

O número de falantes de istrorromanés foise reducindo co tempo debido ás asimilacións sufridas cos cambios políticos de Istria: no censo italiano de 1921, había 1 644 falantes de istrorromanés declarados na zona e segundo a estimación do estudoso romanés Sextil Pușcariu en 1926 eran preto duns 3000. No censo de 1991 de Iugoslavia, tan só foron rexistrados 811 "romaneses", e no censo de Croacia do 2001 soamente 137 habitantes da rexión declarou o "romanés" coma a súa lingua nai. Estudos en Istria en 1998 (?) polo lingüista croata August Kovačec, rexistrou só 170 falantes activos (pero é probable que estes fosen só os das propias vilas onde a lingua era falada, excluindo aqueles que deixaron as vilas de Istria por un tempo moi longo e que aínda o falan), a maioría deles bilingües (ou trilingües) agás 27 rapaces.

En 1922, o Réxime italiano de Benito Mussolini recoñeceu á vila de Susnjeviza (que renomeou como Valdarsa, volvendo despois ao nome pre-italiano pero escrito en croata coma Šušnjevica) coma o asentamento dos istrorromaneses, asignando unha escola en lingua istrorromanesa. Isto foi conseguido grazas aos esforzos de Andrea Glavina (italianización de Glavich), un dos fillos nativos de cidade que foi educado na universidade en Romanía.

Por outra banda, a maior vila do norte, Žejane, e outras aldeas próximas á fronteira con Eslovenia están menos italianizadas e máis eslavizadas. Moitas vilas nesta área teñen nomes que son de orixe romanesa, tales coma *Jeian*, *Buzet* ("labios"), *Katun* ("aldea"), *Gradinje* ("xardín"), *Letaj*, *Sucodru* ("baixo un

bosque"), *Costirceanu* (nome romanés). Algúns destes topónimos son oficiais (recoñecidos por Croacia como nomes propios de seu), mentres que outros son usados soamente polos falantes istrorromaneses (ex. Nova Vas|Noselo).

O destino actual do istrorromanés é incerto, porque en Istria só preto de 350 persoas o entenden parcialmente; os falantes activos e bilingües son menos de 200 (isto son os que admiten abertamente falalo, o número actual pode ser maior), e menos de 30 nenos o coñecen hoxe. Os falantes foron fortemente pasivos e receosos a apoios do exterior que a miúdo incluían intereses políticos no caso dunha axuda real. Isto foi así baixo o réxime italiano e iugoslavo segundo os indicios que temos hoxe. Sen un apoio internacional activo, eficiente e urxente, a lingua istrorromanesa extinguirase nas vindeiras dúas xeracións.

Orixe

Algúns lingüistas cren que os istrorromaneses emigraron ata a actual rexión de Istria e ata a cidade de Trieste ao redor de hai 1 000 anos dende Transilvania, mentres que a teoría serbia cre que tería lugar a súa orixe na actual Serbia, o que non se pode corroborar manténdose a primeira tese en consenso entre os estudosos. Atopáronse recentes achados que suxiren que o pobo istrorromanés (con toda probabilidade valacos) xa estiveran presentes en certas rexións preto do Friul a finais do século XIII.

Algúns préstamos suxiren que os istrorromaneses viviron un período longo entre as terras non insulares dálmatas ata o río Cetina, onde destacan algúns nomes de parentesco rematados en *-ul* da época medieval. De calquera forma, é lingüisticamente evidente que o "dialecto" istrorromanés escindiuse do amplamente falado daco-romanés -unha lingua romance oriental- máis tarde que outros dialectos romaneses, o arromanés e o meglenorromanés, e hoxe o máis próximo ao dialecto daco-romanés, a lingua oficial de Romanía en Moldavia.

A primeira anotación en istrorromanés (non necesariamente o "Ćići") data de finais de 1329, cando as crónicas serbias mencionan que unha poboación de valacos vivía na área, aínda que unha mención máis antiga (do século XII dun mosteiro veneciano) fala dun líder en Istria chamado *Radul* (que podería ser un nome romanés).

Pavle Ivić, un lingüista serbio, cita a hipótese de que unha considerable poboación de latinos habitaron os Balcáns dende o oeste ao leste a través da antiga Iugoslavia antes do século X. A teoría é que estas poboacións se reduciron polas epidemias e guerras, mesturándose cos primeiros istrorromaneses que se trasladaron a Istria, pero non existe ningunha crónica que apoie esta teoría.

O escritor e historiador italiano Giuseppe Lazzarini cre que hai máis de 5 000 istrorromaneses descendentes en Istria hoxe en día, pero os máis deles identifícanse a si mesmos (censo 1991: soamente 811 istrorromaneses) con outros grupos étnicos de acordo coas outras nacións desta rexión. Crese que os istrorromaneses son os descendentes da unión dos lexionarios romanos (movidos por Augusto ao leste de Istria para colonizar as fronteiras de Italia) e os pastores arromaneses que escaparon das invasións otomás para instalarse nunha Istria despoboadada pola peste no século XIV.

Existe tamén un erro común que é a confusión de "ćići" e "vlahi" co "morlacchi" (eslavo: Murlaki) que son un grupo lingüístico e étnico completamente distinto na Dalmacia e na Herzegovina.

Lingua

O istrorromanés ten bastante parecido co romanés, e a maior parte de lingüistas romaneses pensa que é un dialecto máis ca unha lingua independente. Outro punto de vista é que o istrorromanés está máis relacionado coa extinta lingua dálmata, pero non hai evidencias lingüísticas e, polo tanto, non se acepta. De feito, o

istrorromanés ás veces confúndese co *istriot* (obviamente, por persoas que non saben ningunha das linguas), que é outra lingua seriamente ameazada do sur de Istria. Esta é considerada descendente ou estreitamente relacionada cun dos dialectos dálmatas.

Unha das peculiaridades do istrorromanés en comparación con outros "dialectos" do romanés, é o uso do *rotacismo* (o /n/ intervocálico convértese en /r/, *lumină* ("luz" en romanés) pasa a ser *lumira*). Esta é unha das razón polas que os lingüistas romaneses pensan que o istrorromanés evolucionou dende o romanés falado nas áreas de Apuseni ou Maramureș en Transilvania, que ten formas semellantes.

Outras características do istrorromanés son:

- Prosthetic **a-** coma en arumano (AR) *arușine* < DR *rușine* non existe, porén por falsa analoxía un **a-** orgánico pode desaparecer p.ex. (a)prope, (a)rată, (a)ve;
- **á** tónico pode converterse en **â** /ɔ/ que pode tamén ser atopado no Bánato, rexión de Romania;
- **ă-â** convértese **a-â**, p.ex. DR *mărită* > IR *marită* (casarse), DR *arătă* > IR (a)rată (mostrar, amosar);
- **au** convértese **âv**, un troco similar aparece en arromanés, p.ex. DR *aud* > AR *avdu*, IR *âvdu* ((eu) oio); igualmente DR *preot* > AR/IR *preftu* (sacerdote, prior, cura);
- **-e** precedida de labial permanece inalterada, mentres que en DR convértese en **-ă**, p.ex. IR *per* < DR *păr* (pereira/pelo), IR *pemint* < DR *pămînt* (ground);
- DR **-eă-** tónico convértese en **-é-** tónico, p.ex. DR *leac* > IR *lec* (remedio), DR *leagăn* > IR *legăr* (berce/randeeira), DR *fată* > IR *fetě* (rapaza, nena);
- Os grupos consonánticos **cl'** e **gl'** só se atopan en IR, AR e megleno-romanés (MR). Estes grupos amosan que os dialectos romaneses en Istria se separaron do DR antes do século XIII, cando **cl'** e **gl'** tendían a **k'** e **g'**, p.ex. latín *inclūdēre* > IR *cl'ide*, MR *ancl'ide* > DR *închide* (pechar), latín *glacia* > IR *gl'ățě*, AR/MR *gl'eț* > DR *gheață* (xeo);
- As labiais *p*, *b*, *f*, *v* e *m* amosan as seguintes evolucións nas linguas romances orientais:

| istrorromanés | arromanés | megleno-romanés | romanés | galego |
|---------------|-----------|-----------------|---------|---------------|
| pićor = pé | cicior | picior | picior | perna |
| k'leptu | cheptu | k'leptu | piept | peito |
| bire | ghine | bini | bine | bo, bon |
| bl'eră | azghirari | zber | zbiera | gritar, ruxir |
| fil'ū | hilj | il'ū | fiu | fillo |
| fil'a | hilje | il'e | fiică | filla |
| ficât | hicat | | ficat | fígado |
| fi | hire | ire | fi | ser |
| fl'er | heru | ieru | fier | ferro |
| vițelu | yitsăl | vițâl | vițel | vitela |
| (g)l'erm | iermu | ghiarmi | vierme | verme |
| viu | yiu | ghiu | viu | vivo |
| vipt | yiptu | | vipt | comida, grao |
| m'le(lu) | njel | m'iel | miel | cordeiro |
| m'lăre | njare | m'ari | miere | mel |

Os resultados destes cambios en IR pódense resumir nestoutro cadro:

p > **p**, **kʲ**, **ć**
b > **b**, **bʲ**
f > **f**, **fʲ**
v > **v**, **ʋ**, **gʲ**
m > **mʲ**

- Palabras que só se atopaban en istrorromanés e nalgúns dialectos do daco-romanés do Bánato:

| istrorromanés | bánato | daco-romanés | galego |
|---------------|----------|--------------|-------------------|
| amănăt | amînat | târziu | tarde |
| (a)stăre | astară | astăseară | esta noite |
| bericătē | beregată | laringe | larinxe |
| lomi | lomui | a frânge | romper |
| prigodē | prigoadă | afacere | negocios, asuntos |
| zgodi | zgođi | a se împlina | suceder, ocorrer |

De todas as maneiras, as palabras similares *zgoda* (suceso) e *prigoda* (negocio, asunto) son amplamente utilizadas en serbo-croata, e poden ser tamén préstamos do eslavo; tamén a palabra istrorromanesa *mʲelu* é similar á chacaviana *mjelić* (cordeiro) dalgúns habitantes das illas adriáticas.

Gramática

A gramática do istrorromanés é bastante similar ás gramáticas das outras linguas romances orientais.

Morfoloxía

A evolución do istrorromanés dende o daco-romanés mostra dous trazos distintivos:

- A declinación do substantivo mostra unha racionalización das formas: a declinación normal dun substantivo romanés ten practicamente desaparecido do istrorromanés;
- mentres que a inflexión verbal é máis conservadora e a súa evolución non é tan marcada.

Nomes

O artigo ten dúas formas: definida/determinada e indefinida/indeterminada. O artigo definido pode ser nominal ou adxectivo. O nominal engádese aos nomes, e o adxectivo vai despois do adxectivo.

As formas nominais son: para nomes masculinos en singular: **-l** e **-le**, para nomes femininos en singular: **-a**, para nomes masculinos en plural: **-i**, para nomes femininos en plural: **-le**.

Coma no daco-romanés falado o **-l** do artigo determinado singular masculino pérdese deixando só a vogal **-u**, p.ex. DR lupul > IR lupu (o lobo), DR ursul > IR ursu (o oso), DR mielul > IR mʲelu (o cordeiro).

A terminación **-le** para tódolos substantivos masculinos en singular rematados en **-e**, p.ex. frăte**le** (o irmán), sore**le** (o sol), căre**le** (o can).

Algúns exemplos de substantivos masculinos nos que se amosan as terminacións dos casos, nominativo=acusativo, xenitivo=dativo. O vocativo non se amosa xa que normalmente se corresponde co nominativo.

■ **fil' (fillo), fili (pl.)**

| Caso | istrorromanés | arromanés | megleno-romanés | romanés | galego |
|-----------------|---------------|-----------|-----------------|-----------|----------------|
| Nom./Ac. sing. | fil'u | hiljlu | il'iu | fiul | o fillo |
| Xen./Dat. sing. | lu fil'u | a hiljlui | lu il'iu | al fiului | do/ao fillo |
| Nom./Ac. pl. | fili | hiljli | il'ii | fiii | os fillos |
| Xen./Dat. pl. | lu fili | a hiljlor | lu il'ii | al fiilor | dos/aos fillos |

■ **socru (sogro), socri (pl.)**

| Caso | istrorromanés | arromanés | megleno-romanés | romanés | galego |
|----------------|---------------|------------|-----------------|-------------|----------------|
| Nom./Ac. sing. | socru | socrulu | socru | socrul | o sogro |
| Xen./Dat. sg. | lu socru | a socrului | lu socru | al socrului | do/ao sogro |
| Nom./Ac. pl. | socri | socri | socri | socrii | os sogros |
| Xen./Dat. pl. | lu socri | a socrilor | lu socri | al socrilor | dos/aos sogros |

■ **frâte (irmán), frăț (pl.)**

| Caso | istrorromanés | arromanés | megleno-romanés | romanés | galego |
|-----------------|---------------|------------|-----------------|-------------|----------------|
| Nom./Ac. sing. | frătele | frate | frateli | fratele | o irmán |
| Xen./Dat. sing. | lu frătele | a fratelui | lu frateli | al fratelui | do/ao irmán |
| Nom./Ac. pl. | frăț | fratslji | frațili | frații | os irmáns |
| Xen./Dat. pl. | lu frăț | a fratslor | lu fraților | al fraților | dos/aos irmáns |

Nomes femininos

O **-a** replaces **-ě** e **-e**, p.ex. *cășě* > *câsa* (*a casa*), *nopte* > *nopta* (*a noite*); non obstante algúns substantivos femininos que rematan en **-e** tónico, compórtanse de xeito diferente, p.ex. *ste* > *stevu* (*a estrela*), *ne* > *nevu* (*a neve*).

■ **fetě (rapaza), fete (pl.)**

| Caso | istrorromanés | arromanés | megleno-romanés | romanés | galego |
|-----------------|---------------|-------------|-----------------|----------|-------------|
| Nom./Ac. sing. | feta | feata | feta | fata | a rapaza |
| Xen./Dat. sing. | lu feta | a featiljei | lu feta | al fetei | da/á rapaza |

■ **mul'erě (muller), mul'ere (pl.)**

| Caso | istrorromanés | arromanés | megleno-romanés | romanés | galego |
|-----------------|---------------|---------------|-----------------|------------|-------------|
| Nom./Ac. sing. | mul'era | muljarea | mul'iarea | muierea | a muler |
| Xen./Dat. sing. | lu mul'era | a muljariljei | lu mul'iarea | al muierei | da/á muller |

■ **ste (estrela), stele (pl.)**

| Caso | istrorromanés | arromanés | megleno-romanés | romanés | galego |
|-----------------|---------------|-------------|-----------------|-------------|-----------------|
| Nom./Ac. sing. | stevu | steao | steua | steaua | a estrela |
| Xen./Dat. sing. | lu stevu | a steaoljei | lu steua | al stelei | da/á estrela |
| Nom./Ac. pl. | stelele | steale | stelili | stelele | as estrelas |
| Xen./Dat. pl. | lu stelele | a stealilor | lu stelilor | al stelelor | das/ás estrelas |

Os substantivos neutros permanecen masculinos no singular e femininos no plural (coñecidos coma substantivos mixtos)

- brăț (brazo), brățe (pl.) - brățu (o brazo), brățele (pl.)
- os (óso), ose (pl.) - osu (o óso), osele (pl.)
- zid (muro), zidur (pl.) - zidu (o muro), zidurle (pl.)
- plug (plough), plugur (pl.) - plugu (the plough), plugurle (pl.)

As formas para o artigo adxectivo son no singular *ćela* para o masculino e *că* para o feminino, e no plural *ćel'* para o masculino e *ćăle* para o feminino, p.ex.: *ćela bur* (o bo).

O artigo indefinido é *un* para o masculino e *o* para o feminino. A declinación do artigo indefinido desapareceu. Exemplos: *un om* (un home), *un că* (un cabalo), *o misě* (unha táboa), *o băbě* (unha muller vella/anciá).

Adxectivos

Os adxectivos tamén teñen tres xéneros, as formas masculinas e femininas procedentes do latín, mentres que a forma neutra é de orixe eslava, isto é, baixo a influencia sintáctica do uso dos neutros en eslavo. P.ex. *bur*, *burě*, *buro* (bo, bon). O adxectivo comparativo é: *măi bur* (moi bo, mellor) e o superlativo é: *ćel măi bur* (o mellor).

O adxectivo pode preceder ao substantivo: *bura zi* ((o) bo día) ou seguir ao substantivo: *feta mușătě* (a rapaza bela/fermosa).

Pronomes

Os pronomes definidos poden ser persoais, posesivos, demonstrativos, relativos e interrogativos.

Pronomes persoais

| Caso | 1 ^a pers.sing. | 2 ^a pers.sing. | 3 ^a pers.sig masc. | 3 ^a pers.sing.fem. | 1 ^a pers.pl | II | III |
|------|------------------------------|------------------------------|----------------------------------|----------------------------------|---------------------------|-----------|----------------|
| Nom. | io | tu | ie | iă | noi | voi | iel/iăle |
| | ti | el | ela | nós | vós | eles/elas | |
| Ac. | mire | tire | ăl | ăl | ne | ve | lor |
| Ac. | me/m' | te/t' | ăl/l' | o | ne/n' | ve/v' | lor |
| | me | te | lle | lle | nos | vos | lles |
| Dat. | mi/âm/m' | ți/ât/t' | âl/l'/lui | âl/l'/lei | ni/ne/n' | vi/ve/v' | le/l' |
| | a min | a ti | a el | a ela | a nós | a vós | a eles/elas |

p.ex. m-âm ărs (*I laughed*), l-ăi vezut (*you saw him*)

Pronomes posesivos:

| Sing. Masc. | Fem. | Pl. Masc. | Fem. | g alego |
|-------------|---------|-----------|--------|--------------|
| meu/mev | me | meľ | mele | meu |
| teu/tev | te | teľ | tele | teu |
| seu/lui | se/l'ei | seľ | sele | del/dela/del |
| noștru | noștră | noștri | noștre | noso |
| voștru | voștră | voștri | voștre | voso |
| lor | lor | lor | lor | deles/delas |

p.ex. mev căce (*meu pai*), lui căre (*o seu (del) can*), l'ei măie (*súa (dela) nai*), noștri căľ (*os nosos cabalos*)

Pronomes demonstrativos

- este: *ćest, căsta*
- estes: *ćeșt', căște*

Poden tamén comezar con țin- or t'- p.ex. ținest om (*este home*)

- ese: *ćel, că*
- eses: *ćel', căle*

Igualmente poden comezar con țin- e.g. ținăle lingure (*esas culleres*)

- este de aquí/estoutro: *ćesta-istú, căsta-ista*
- ese de aquí/esoutro: *ćela-istú, căista*
- ese de alá/esoutro: *ćela-ăt, că-ătě*
- eses de alá/esoutros: *ćel'-ăl'ți, căle-âte*

Pronomes relativos

- que, quen: *câre / cârle*, pl. *cârli*

Pronomes interrogativos

- quen: *ćire / će*
- cal, cales: *câre / cârle*, pl. *cârli*
- cal (destes): *căt*

Pronomes indefinidos

| <i>indefinido</i> | masculino | feminino |
|-------------------|-----------------|--------------------|
| un | <i>un</i> | <i>o</i> |
| algún | <i>vrún</i> | <i>vro</i> |
| un/unha | <i>ur</i> | <i>o</i> |
| ningún | <i>ničur</i> | <i>ničurě</i> |
| nada | <i>nimic</i> | <i>nimic</i> |
| algo | <i>ćeva</i> | <i>ćeva</i> |
| outro | <i>ăt</i> | <i>ăta - ătó</i> |
| cada | <i>saki</i> | <i>saca - saco</i> |
| calquera | <i>cătcoder</i> | <i>cătcoder</i> |

Numerais

Números cardinais

A maioria dos números cardinais veñen do latín, con varios préstamos do dialectos eslavos locais.

| cifra | nome | cifra | nome | cifra | nome |
|-------|---------------------|-------|---------------------------------|-------|--------------------|
| 1 | un/ur (m), o (f) | 11 | urprezâće / iednaist | 21 | dovotezâće și ur |
| 2 | doi (m), do (f) | 12 | doiprezâće / dvanaist | 22 | dovotezâće și doi |
| 3 | trei | 13 | treiprezâće / trenaist | 23 | dovotezâće și trei |
| 4 | pătru | | | | |
| 5 | ćinc / ținț | | | | |
| 6 | șăse | | | | |
| 7 | șăpte | | | | |
| 8 | opt / osăn | | | | |
| 9 | devet | 19 | devetprezâće | | |
| 10 | zăće / zeće / deset | 20 | dovotezâće / dvadeset / dvaiset | 30 | treivotezâće |

| | |
|------|---------------------------|
| 40 | cvârnaru |
| 50 | ćinćvotézâće |
| ... | |
| 100 | sto |
| 101 | sto și ur |
| 200 | dovotesto |
| 1000 | mil'âr / tisut' / tâvžânt |

Notas:

11 componse de '1 sobre 10' *ur-pre-zâće*

20 componse de '2 veces 10' *do-vote-zâće*, do mesmo modo, 200 é '2 veces 100' *do-vote-sto*

1000 *mil'âr* vén da lingua véneta, *tisut'* dos dialectos eslavos, e *tâvžânt* do alemán.

Números ordinais

| cifra | masculino | feminino |
|----------|-----------------------|---------------|
| 1º | <i>prvi</i> | <i>prva</i> |
| 2º | <i>doile</i> | <i>dova</i> |
| 3º | <i>treile</i> | <i>treia</i> |
| 5º | <i>ćinćile</i> | <i>ćinća</i> |
| 6º | <i>șâsele</i> | <i>șâsa</i> |
| 7º | <i>șâptele</i> | <i>șâpta</i> |
| 8º | <i>osmule</i> | <i>osma</i> |
| 9º | <i>devetile</i> | <i>deveta</i> |
| 10º | <i>desetile</i> | <i>deseta</i> |
| último/a | <i>zâdni / zâďăńu</i> | <i>zâďńa</i> |

Literatura

Non hai tradición literaria local, aínda que Andrea Glavina, un istrorromanés que foi educado en Romania, escribiu en 1905 *Calendaru lu rumeri din Istrie* ("O calendario dos romaneses de Istria"). Neste libro escribiu moitos contos folclóricos do seu pobo. Recentemente foron recollidos por A. Kovačec (1998) unha serie de contos istrorromaneses actuais e cancións populares orixinais.

Notas

- Definición de istrorromanés, -esa (<https://digalego.xunta.gal/gl/termo/38137>) no *Dicionario de Galego* (<https://digalego.xunta.gal/gl/caracteristicas>) de Ir Indo e a Xunta de Galicia.

Véxase tamén

Outros artigos

- [Istria](#)
- [Istrorromaneses](#)
- [Gramática istrorromanesa](#)



Vexa a proba da
Wikipedia en ***Lingua
istrorromanesa*** ([https://
incubator.wikimedia.or
g/wiki/Wp/ruo](https://incubator.wikimedia.org/wiki/Wp/ruo))

Bibliografía

- Wolfgang Dahmen: *Istrorumänisch. Lexicon der Romanistische Linguistik. III*, Tübingen, 1989, pp. 448–460.
- Nerina Feresini: *Il Comune istro-romeno di Valdarsa*. Edizioni Italo Svevo. Trieste: 1996.
- August Kovačec: Notes sur les formes de cas en istroroumain. *Studia Romanica* 13-14: 75-84, Zagreb 1962.
- August Kovačec: Certaines modifications grammaticales des 'quantitatifs' et 'qualitatifs' istroroumains dues a l' influence croate. *Studia Romanica* 23: 195-210, Zagreb 1967.
- August Kovačec: Le calque lexical d' apres le croate comme cause de certains changements grammaticaux istroroumains. *Actele de XII Congres International de Lingvistica si Filologie Romanica*, vol. 2: 1127-1131, Bucarest 1971.
- August Kovačec: *Istrorumunjsko-hrvatski rječnik s gramatikom i tekstovima (Glosar Istroroman-Croat cu gramatica si texte)*. Verba moritura vol. I, 378 p. Mediteran, Pula 1998.
- Josif Popovici: *Dialectele romîne din Istria*, Halle, 1909.
- Pavao Tekavčić: *Due voci romene in un dialetto serbo-croato dell'Isola di Veglia* (Krk). *Studia Romanica* 7: 35-38, Zagreb 1959.

Ligazóns externas

- [Istro-Romanian Community Worldwide](http://www.istro-romanian.com), a site created by the Istro-Romanian people (<http://www.istro-romanian.com>)
- [Decebal](https://web.archive.org/web/20060507084351/http://www.decebal.it/) (<https://web.archive.org/web/20060507084351/http://www.decebal.it/>)
- [UNESCO Red Book on Endangered Languages - entry for Istro-Romanian](http://www.helsinki.fi/~tasalmin/europe_report.html#IRumanian) (http://www.helsinki.fi/~tasalmin/europe_report.html#IRumanian)
- [Ethnologue report for Istro-Romanian](http://www.ethnologue.com/show_language.asp?code=ruo) (http://www.ethnologue.com/show_language.asp?code=ruo)
- [The IstroRomanians in Croatia](http://www.istro-romanian.net) (<http://www.istro-romanian.net>)

Traído desde "https://gl.wikipedia.org/w/index.php?title=Lingua_istrorromanesa&oldid=5501400"

A última edición desta páxina foi o 25 de xuño de 2020 ás 14:02.

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.